

МОЛЕБНОЕ ПЕНИЕ

с акафистом Сладчайшему
Господу нашему Иисусу Христу

О СОЗДАНИИ СЕМЬИ



Храм святого благоверного царевича Димитрия при 1ГКБ

Священник: Благословен Бог наш всегда, ныне и присно, и во веки веков.

Хор: Аминь.

Священник: Слава Тебе, Боже наш, слава Тебе.

Хор: Царю Небесный,/ Утешителю, Душе истины,/ Иже везде сый и вся исполняяй,/ Сокровище благих/ и жизни Подателю,/ прииди и вселися в ны,/ и очисти ны от всякия скверны,// и спаси, Блаже, души наша.

(В период от Пасхи до Вознесения вместо молитвы «Царю Небесный» трижды поем тропарь Пасхи:

«Христос воскрес из мертвых, смертию смерть поправ и сущим во гробех живот даровав»)

Священник: Бог Господь и явился нам, благословен Грядый во имя Господне.

Исповедайтесь Господеви, яко благ, яко в век милость Его.

Хор: Бог Господь, и явился нам, / благословен Грядый// во Имя Господне.

Священник: Обышедше обыдоша мя и именем Господним противляхся им.

Хор: Бог Господь, и явился нам, / благословен Грядый// во Имя Господне.

Священник: Не умру, но жив буду и повем дела Господня.

Хор: Бог Господь, и явился нам, / благословен Грядый// во Имя Господне.

Священник: Камень, егоже небрегоша зиждуции, сей бысть во главу угла, от Господа бысть сей и есть дивен во очесех наших.

Хор: Бог Господь, и явился нам, / благословен Грядый// во Имя Господне.

(В великие и двенадесятые праздники сначала поется тропарь праздника)

Тропарь Нерукотворному образу Господа нашего Иисуса Христа, глас 2

Пречистому Твоему образу покланяемся, Благий, / просяще прощения прегрешений наших, Христе Боже: / волею бо благоволил еси плотию взыти на Крест, / да избавиши яже создал еси от работы вражия. / Тем благодарственно вопием Ти: / радости исполнил еси вся, Спасе наш, // пришедый спасти мир.

Тропарь об умножении любви, глас 4-й

Союзом любве апостолы Твоя связавый, Христе, / и нас, Твоих верных рабов к Себе тем крепко связав, / творити заповеди Твоя / и друг друга любити нелицемерно сотвори, // молитвами Богородицы, Едине Человеколюбче.

Тропарь Богородице, глас 4-й

К Богородице прилежно ныне притецем, / грешнии и смиреннии, и припадем, / в покаянии зовуще из глубины души: / Владычице, помози, на ны милосердовавши, / потщися, погибаем от множества прегрешений, / не отврати Твоя рабы тщи, // Тябо и едину надежду имамы.

*Тропарь святым благоверным князю Петру и княгине
Февронии, Муромским, глас 8-й*

Яко благочестиваго корене пречестная отрасль был еси, /
добре во благочестии пожив, блаженне Петре, / тако и с
супружницею твоею, премудрою Феврониею, / в мире
Богу угодивше / и преподобных житию сподобистесь. / С
нимиже молитесь Господеви / сохранить без вреда
отечество ваше, / да вас непрестанно почитаем.

или Тропарь святым Царственным страстотерпцам, глас 4-й
Днесь, благовернии людие, светло почтим Седмерицу
честную Царственных страстотерпец, Христову едину
домашнюю Церковь: Николая и Александру, Алексия,
Ольгу, Татиану, Марию и Анастасию. Тии бо, уз и страданий
многообразных не убоявшеся, от богоборных смерть и
поругание телес прияша и дерзновение ко Господу в молитве
улучиша. Сего ради к ним с любовью возопиим: о святии
страстотерпцы, гласу покаяния и стенанию народа нашего
вонмите, землю Российскую в любви к Православию
утвердите, от междоусобных брани сохраните, мир миру и у
Бога испросите // и душам нашим велию милость.

Слава Отцу и Сыну и Святому Духу и ныне и присно и во
веки веков. Аминь.

Не умолчим никогда, Богородице, / силы Твоя глаголати,
недостойнии: / аще бо Ты не бы предстояла молящи, /кто
бы нас избавил от толиких бед, / кто же бы сохранил до
ныне свободны? / Не отступим, Владычице, от Тебе:
//Твоя бо рабы спасаеши присно от всяких лютых.

Священник: Иисусе Сладчайший, спаси нас.

Хор (повторяет): Иисусе Сладчайший, спаси нас.

Священник: Пресвятая Богородице, спаси нас.

Хор (повторяет): Пресвятая Богородице, спаси нас.

Священник: Слава Отцу, и Сыну, и Святому Духу

Хор: и ныне, и присно, и во веков. Аминь.

Священник: Избави от бед рабы Твоя, Многомилостиве, /
яко мы усердно к Тебе прибегаем, / милостивому
Избавителю, всех Владыце, / Господу Иисусу.

Спаси от бед рабы Твоя, Богородице, яко вси по Бозе к
Тебе прибегаем, яко нерушимей стене и
предстательству.

Хор: Призри благосердием, всепетая Богородице, / на мое
лютое телесе озлобление, // и исцели души моя
болезнь.

Священник: Молите Бога о нас, святии благовернии Петре и
Февроние

Хор: яко мы усердно к вам прибегаем, // скорым
помощником и молитвенником о душах наших.

Священник: Паки и паки миром Господу помолимся.

Хор: Господи, помилуй.

Священник: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Священник: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Хор: Тебе, Господи.

Священник: Ты бо еси Царь мира и Спас душ наших, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Акафист Сладчайшему Господу нашему Иисусу Христу

Кондак 1

Возбра́нный Воево́до и Го́споди, а́да победите́лю, / я́ко изба́вль-
ся от ве́чныхя сме́рти, / похва́льная восписю́ Ти, созда́ние и раб
Твой; / но, я́ко имей ми́лосе́рдие неизрече́нное, / от вся́ких мя
бед свобо́ди, зову́ща: // Иису́се, Сы́не Бо́жий, поми́луй мя.

Икос 1

А́нгелов Тво́рче и Го́споди сил, отве́рзи ми недоуме́нный ум
и язы́к на похвалу́ пречи́стаго Твоего́ имене́, я́коже глухо́му и
гугни́вому дре́вле слух и язы́к отве́рзл еси́, и, глаго́лаше
зовы́й тако́вая:

Иису́се пречу́дный, а́нгелов удивле́ние; / Иису́се преси́льный,
прароди́телей изба́вление. // Иису́се пресла́дкий, патриа́рхов
велича́ние; / Иису́се пресла́вный, ца́рей укрепле́ние. // Иису́се
прелюби́мый, проро́ков исполне́ние; / Иису́се предив́ный,
му́чеников кре́посте. // Иису́се прети́хий, мона́хов ра́досте; /
Иису́се премило́стивый, пресви́теров сла́досте. // Иису́се
преми́лосе́рдый, по́стников воздержа́ние; / Иису́се
пресла́достный, преподо́бных ра́дование. // Иису́се пречест-
ны́й, де́вственных целому́дрие; / Иису́се предвече́нный, греш-
ников спасе́ние. // Иису́се, Сы́не Бо́жий, поми́луй мя.

Кондак 2

Ви́дя вдови́цу зельне пла́чуцу, Го́споди, я́коже бо тогда́
умилосе́рдился, сына́ ея́ на погребе́ние несо́ма воскреси́л еси́;
си́це и о мне уми́лосе́рдися, Человеколю́бче, и грехми́
умерщвле́нную мою́ ду́шу воскреси́, зову́щую: Аллилу́иа.

Икос 2

Разум неуразумённый разумёти Филипп ища, Господи, покажи нам Отца, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отце есмь? Темже, Неизследованне, со страхом зову Ти:

Иисусе, Боже предвечный; / Иисусе, Царю пресильный. // Иисусе, Владыко долготерпеливый; / Иисусе, Спасе премилостивый. // Иисусе, хранителю мой преблагий; / Иисусе, очисти грехи моя. // Иисусе, отыми беззакония моя; / Иисусе, отпусти неправды моя. // Иисусе, надеждо моя, не остави мене; / Иисусе, помощниче мой, не отрини мене. // Иисусе, Создателю мой, не забуди мене; / Иисусе, Пастырю мой, не погуби мене. // Иисусе, Сыне Божий, помилуй мя.

Кондак 3

Силою свыше апостолы облекий, Иисусе, во Иерусалиме сидящая, облецы и мене, обнажённого от всякаго благотворения, теплотою Духа Святаго Твоего и даждь ми с любовью пети Тебе: Аллилуиа.

Икос 3

Имеяй богатство милосердия, мытари и грешники, и неверныя призвал еси, Иисусе; не презри и мене ныне, подобнаго им, но, яко многоценное миро, прими песнь сию:

Иисусе, сило непобедимая; / Иисусе, милосте безконечная. // Иисусе, красото пресветлая; / Иисусе, любви неизреченная. // Иисусе, Сыне Бога Живаго; / Иисусе, помилуй мя грешнаго. // Иисусе, услыши мя в беззакониих зачатого; / Иисусе, очис-

ти мя во гресѣхъ рождѣннаго. // Иисусе, научи мя непотрѣбнаго; / Иисусе, освети мя темнаго. // Иисусе, очисти мя сквернаго; / Иисусе, возведи мя блуднаго. // Иисусе, Сыне Божий, помилуй мя.

Кондак 4

Бурю внутрь имѣяй помышлений сумнительныхъ, Петр утопаше; узрев же во плоти Тя суща, Иисусе, и по водамъ ходяща, позна Тя Бога истиннаго и, руку спасения получивъ, рече: Аллилуиа.

Икос 4

Слыша слепый мимоходяща Тя, Господи, путемъ вопияше: Иисусе, Сыне Давидовъ, помилуй мя! И, призвавъ, отверзл еси очи его. Просвети убо милостию Твоею очи мысленныя сердца и мене, вопиюща Ти и глаголюща:

Иисусе, вышнихъ Создателю; / Иисусе, нижнихъ Искупителю. // Иисусе, преисподнихъ потребителю; / Иисусе, всея твари украсителю. // Иисусе, души моея утешителю; / Иисусе, ума моего просветителю. // Иисусе, сердца моего веселие; / Иисусе, тела моего здравие. // Иисусе, Спасе мой, спаси мя; / Иисусе, свете мой, просвети мя. // Иисусе, муки всякия избави мя; / Иисусе, спаси мя, недостойнаго. // Иисусе, Сыне Божий, помилуй мя.

Кондак 5

Боготочною Крѡвию якоже искупил еси нас дрѣвле от законныя клятвы, Иисусе, сице изми нас от сѣти, еюже змий запят ны страстьми плотскими, и блудным наваждѣнием, и злым уныніем, вопиющія Ти: Аллилуиа.

Икос 5

Видевше ѡтроцы еврейстии во ѡбразе челоуѣчестем Создавшаго рукою челоуѣка, и Владыку разумѣвше Его, потщашася вѣтвми угоудити Ему, осанна вопиюще. Мы же песнь приносим Ти, глаголюще:

Иисусе, Боже истинный; / Иисусе, Сыне Давидов. // Иисусе, Царю преславный; / Иисусе, Агнче непорочный. // Иисусе, Пастырю предивный; / Иисусе, хранителю во младости моей. // Иисусе, кормителю во юности моей; / Иисусе, похвало в старости моей. // Иисусе, надежде в смерти моей; / Иисусе, животѣ по смерти моей. // Иисусе, утѣшеніе мое на судѣ Твоем; / Иисусе, желаніе мое, не посрами мене тогда. // Иисусе, Сыне Божий, помилуй мя.

Кондак 6

Проповѣдник богоносных вещаніе и глаголы исполняя, Иисусе, на земли явлься и с челоуѣки Невместимый пожил еси, и болѣзни наша подъял еси, отнюдуже ранами Твоими мы исцелѣвше, пѣти навыкохом: Аллилуиа.

Икос 6

Возсия́ вселенной просвеще́ние истины Твоея́, и отгна́ся
лесть бесовская: идоли бо, Спа́се наш, не терпя́ще Твоея́
кре́пости, падо́ша. Мы же, спасе́ние получи́вше, вопие́м Ти:

Иису́се, и́стино, лесть отгоня́ющая; / Иису́се, све́те, превы́ш-
ший всех све́тлостей. // Иису́се, Царю́, премога́яй всех кре́-
пости; / Иису́се, Бо́же, пребыва́яй в ми́лости. // Иису́се, Хле́бе
Живо́тный, насы́ти мя а́лчущаго; / Иису́се, исто́чнице ра́зума,
напо́й мя жа́ждущаго. // Иису́се, оде́ждо весе́лия, оде́й мя
тле́ннаго; / Иису́се, покрóве ра́дости, покрый́ мя недостóйна-
го. // Иису́се, пода́телю прося́щим, даждь мне плач за грехи́
моя́; / Иису́се, обрете́ние и́щущим, обря́щи ду́шу мою́. //
Иису́се, отверзíteлю толку́щим, отве́рзи се́рдце мое́ окаян-
ное; / Иису́се, Искупи́телю грешных, очисти́ беззакóния моя́.
// Иису́се, Сы́не Бо́жий, помилуй́ мя.

Кондак 7

Хотя́ сокрове́нную та́йну от ве́ка откры́ти, я́ко овча́ на
заколéние ведён был еси́, Иису́се, и я́ко а́гнец прямо
стригу́щаго его́ безгла́сен, и я́ко Бог из ме́ртвых воскре́сл еси́,
и со сла́вою на небеса́ возне́слся еси́, и нас совоздвигл еси́, зо-
ву́щих: Аллилу́иа.

Икос 7

Дивную́ показа́ тварь, явле́йся Творе́ц нам: без се́мене от
Де́вы воплотис́я, из грóба, печáти не руши́в, воскре́се, и ко
апóстолом, двéрем затворе́нным, с плóтию вни́де. Те́мже
чудя́щеся, воспойм:

Иисусе, Сло́ве необыме́нный; / Иисусе, Сло́ве несогладя́емый.
// Иисусе, си́ло непостижи́мая; / Иисусе, му́дросте
недомы́слимая. // Иисусе, Божество́ неописа́нное; / Иисусе,
госпо́дство неисче́тное. // Иисусе, ца́рство непобеди́мое; /
Иисусе, влады́чество безконече́нное. // Иисусе, кре́посте
высоча́йшая; / Иисусе, вла́сте ве́чная. // Иисусе, Тво́рче мой,
уще́дри мя; / Иисусе, Спа́се мой, спаси́ мя. // Иисусе, Сы́не
Бо́жий, поми́луй мя.

Кондак 8

Стра́нно Бо́га вочелове́чшася ви́дяще, устрани́мся су́етнаго
ми́ра и ум на Божество́нная возложи́м. Сего́ бо ра́ди Бог на
зе́млю сни́де, да нас на небеса́ возведёт, вопию́щих Ему́:
Аллилу́иа.

Икос 8

Весь бе в ни́жних, и ви́шних ника́коже отступи́ Неисче́тный,
егда́ во́лею нас ра́ди постра́да, и сме́ртию Своёю на́шу смерть
умертви́, и воскресе́нием живо́т дарова́ пою́щим:

Иисусе, сла́досте серде́чная; / Иисусе, кре́посте телесна́я. //
Иисусе, све́тлосте душе́вная; / Иисусе, бы́строто́ умна́я. //
Иисусе, ра́досте со́вестная; Иисусе, наде́ждо изве́стная. //
Иисусе, па́мяти предве́чная; / Иисусе, похвало́ высо́кая. //
Иисусе, сла́во моя́ превознесе́нная; / Иисусе, жела́ние моё, не
отри́ни мене́. // Иисусе, Па́стырю мой, взыщи́ мене́; / Иисусе,
Спа́се мой, спаси́ мене́. // Иисусе, Сы́не Бо́жий, поми́луй мя.

Кондак 9

Все естество́ а́нгельское безпреста́ни сла́вит пресвято́е и́мя Твое́, Иису́се, на небеси́: Свят, Свят, Свят, вопи́юще; мы же, грёшнии на земли́ брёнными устна́ми вопиём: Аллилу́иа.

Икос 9

Ветия́ многовеща́нны, я́коже ры́бы безгласны́я ви́дим о Тебе́, Иису́се, Спа́се наш: недоуме́ют бо глаго́лати, ка́ко Бог непрело́жный и челове́к соверше́нный пребыва́еши? Мы же та́инству дивя́щися, вопиём ве́рно:

Иису́се, Бо́же предвече́нный; / Иису́се, Царю́ ца́рствующих. // Иису́се, Влады́ко владе́ющих; / Иису́се, Судие́ живы́х и ме́ртвых. // Иису́се, наде́ждо ненаде́жных; / Иису́се, утеше́ние плачу́щих. // Иису́се, сла́во ни́щих; / Иису́се, не осуди́ мя по де́лом мо́им. // Иису́се, очисти́ мя по ми́лости Твое́й; / Иису́се, отжени́ от мене́ уны́ние. // Иису́се, просвети́ моя́ мы́сли серде́чныя; / Иису́се, даждь ми па́мьть сме́ртную. // Иису́се, Сы́не Бо́жий, поми́луй мя.

Кондак 10

Спасти́ хотя́ мир, Восто́че восто́ком, к те́мному за́паду - естес-тву́ нашему́ прише́д, смири́лся еси́ до сме́рти; те́мже превознесё́ся и́мя Твое́ па́че вся́каго имене́, и от всех колен́ небес-ных и земны́х слы́шиши: Аллилу́иа.

Икос 10

Царю Превечный, Утешителю, Христе истинный, очисти ны от всякия скверны, якоже очисти еси десять прокаженных, и исцели ны, якоже исцели еси сребролюбивую душу Закхеа мытаря, да вопием Ти, во умилении зовуще:

Иисусе, сокровище нетленное; / Иисусе, богатство неистощимое. // Иисусе, пища крепкая; / Иисусе, питье неисчерпаемое. // Иисусе, нищих одеяние; / Иисусе, вдов заступление. // Иисусе, сырых защитниче; / Иисусе, труждающихся помощи. // Иисусе, странних наставниче; / Иисусе, плавающих кормчий. // Иисусе, бурных отиши; Иисусе Боже, воздвигни мя падшаго. // Иисусе, Сыне Божий, помилуй мя.

Кондак 11

Пение всеумиленное приношу Ти недостойный, вопию Ти яко хананеа: Иисусе, помилуй мя; не дочь бо, но плоть имам страстьми люте бесящуюся и яростию палимую, и исцеление даждь вопиющу Ти: Аллилуиа.

Икос 11

Светоподательна светильника сущим во тьме неразумия, прежде гоняй Тя Павел, богоразумнаго гласа силу внуши и душевную быстроту уясни; сице и мене темныя зеницы душевныя просвети, зовуща:

Иисусе, Царю мой прекрепкий; / Иисусе, Боже мой пресильный. // Иисусе, Господи мой пребезсмертный; / Иисусе, Создателю мой преславный. // Иисусе, Наставниче мой предобрый; / Иисусе, Пастырю мой прещедрый. // Иисусе,

Влады́ко мой премі́лостивый;/ Иису́се, Спа́се мой
преми́лосе́рдый. // Иису́се, просвети́ моя́ чу́ствия,
потемне́нная страстьми́;/ Иису́се, исцели́ моё́ те́ло,
острупле́нное грехми́. // Иису́се, очисти́ мой ум от помы́слов
су́етных; / Иису́се, сохрани́ се́рдце моё́ от по́хотей лука́вых. //
Иису́се, Сы́не Бо́жий, поми́луй мя.

Кондак 12

Благода́ть пода́ждь ми, всех долго́в решите́лю, Иису́се, и
приими́ мя ка́ющася, я́коже прия́л еси́ Петра́, отве́ргшагося
Тебе́, и призови́ мя уныва́ющаго, я́коже дре́вле Па́вла, гоня́ща
Тя, и услы́ши мя, вопию́ща Ти: Аллилу́иа.

Икос 12

Пою́ще Твоё́ вочелове́чение, восхваля́ем Тя вси, и ве́руем со
Фо́мою, я́ко Госпо́дь и Бог еси́, седя́й со Отце́м и хотя́й
судити́ живы́м и ме́ртвым. Тогда́ у́бо сподо́би мя десна́го
стоя́ния, вопию́щаго:

Иису́се, Царю́ предвече́нный, поми́луй мя; / Иису́се, цве́те
благово́нный, облагоуха́й мя. // Иису́се, тепло́то любима́я,
согре́й мя; / Иису́се, хра́ме предвече́нный, покрый́ мя. // Иису́се,
оде́ждо све́тлая, украси́ мя; / Иису́се, бисере́ честны́й, осия́й мя.
// Иису́се, ка́меню драги́й, просвети́ мя; / Иису́се, со́лнце пра́в-
ды, освети́ мя. // Иису́се, све́те святы́й, облистай́ мя; / Иису́се,
боле́зни душе́вные и телесны́я изба́ви мя. // Иису́се, из ру́ки со-
проти́вныя изми́ мя; / Иису́се, огня́ неугасима́го и про́чих вече́-
ных мук свободи́ мя. // Иису́се, Сы́не Бо́жий, поми́луй мя.

Кондак 13 (читается трижды)

О, пресладкий и всещедрый Иисусе! / Приими ныне малое
моление сие наше, якоже приял еси вдовицы две лепте, / и
сохрани достояние Твое от враг видимых и невидимых, / от
нашествия иноплемённых, от недуга и глада, / от всякия
скорби и смертоносныя раны, / и грядущия изми муки всех,
вопиющих Ти: // Аллилуиа, аллилуиа, аллилуиа.

Икос 1

Ангелов Творче и Господи сил, отверзи ми недоумённый ум и
язык на похвалу пречистаго Твоего имени, якоже глухому и гугни-
вому древле слух и язык отверзл еси, и, глаголаше зовыйи таковая:

Иисусе пречудный, ангелов удивление; / Иисусе пресильный,
прародителей избавление. // Иисусе пресладкий, патриархов
величание; / Иисусе преславный, царей укрепление. // Иисусе
прелюбимый, пророков исполнение; / Иисусе предивный,
мучеников крепосте. // Иисусе претихий, монахов радости; /
Иисусе премилостивый, пресвитеров сладосте. // Иисусе
премилосердый, постников воздержание; / Иисусе
пресладостный, преподобных радование. // Иисусе пречест-
ный, девственных целомудрие; / Иисусе предвечный, греш-
ников спасение. // Иисусе, Сыне Божий, помилуй мя.

Кондак 1

Возбранный Воеводо и Господи, ада победителю, / яко избавль-
ся от вечныя смерти, / похвальная восписую Ти, создание и раб
Твой; / но, яко имеяй милосердие неизречённое, / от всяких мя
бед свободи, зовуща: // Иисусе, Сыне Божий, помилуй мя.

Священник: Иисусе Сладчайший, спаси нас.

Хор (повторяет): Иисусе Сладчайший, спаси нас.

Священник: Пресвятая Богородице, спаси нас.

Хор (повторяет): Пресвятая Богородице, спаси нас.

Священник: Слава Отцу, и Сыну, и Святому Духу

Хор: и ныне, и присно, и во веков. Аминь.

Т
Р
И
Ж
Д
Ы

Хор: Достойно есть, яко воистину / блажити Тя
Богородицу / Присноблаженную и Пренепорочную /и
Матерь Бога нашего, / Честнейшую Херувим / и
Славнейшую без сравнения Серафим, / без истления
Бога Слова рождшую, // Сущую Богородицу Тя
величаем.

*(В период от Пасхи до Вознесения вместо «Достойно есть» поем
задостойник Пасхи:*

*«Ангел вопияше Благодатней: / Чистая Дево, радуйся, / и паки реку,
радуйся: / Твой Сын воскресе / тридневен от гроба, / и мертвыя
воздвигнувый; людие веселитесь. / Святися, святися, / новый
Иерусалиме, / слава бо Господня / на тебе возсия. / Ликуй ныне / и
веселися, Сионе. / Ты же, Чистая, красуйся, Богородице // о восстании
Рождества Твоего»*

В двенадцатые праздники – задостойник праздника).

Священник: Помилуй нас, Боже, по велицей милости Твоей, молим Ти ся, услыши и помилуй.

Хор: Господи помилуй (трижды)

Священник: Еще молимся о Великом Господине и отце нашем Святейшем Патриархе Кирилле, и о Господине нашем Преосвященнейшем епископе Пантелеимоне, и всей во Христе братии нашей.

Хор: Господи помилуй (трижды)

Священник: Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Хор: Господи помилуй (трижды)

Священник: Еще молимся о милости, жизни, мире, здравии, спасении, посещении, прощении и оставлении грехов рабов Божиих (имярек) и всех нуждающихся в Божией помощи и заступлении и о еже помиловати их.

Хор: Господи помилуй (трижды)

Священник: Еще молимся Господу Богу нашему о еже прияти молитвы рабов Своих, благодати бракообщения чающих, и явити им благовую и совершенную волю Свою, терпение же, смирение и любовь истинную вкоренити в сердцах их, молим Ти ся, услыши и помилуй.

Хор: Господи помилуй (трижды)

Священник: Еще молимся Тебе, Господу Богу нашему, вся ко спасению человека устрояющему, призри на рабы Твоя, на Тя всецело упование возложившия, и открий им путь жития их, и аще угодно Ти, соедини в любви избранныя Тобою, Ты бо рекл еси: «не добро быти человеку одному», рцем вси: услыши и скоро помилуй.

Хор: Господи помилуй (трижды)

Священник: Еще молимся Тебе, Спасителю нашему, о еже скоро избавити рабов Твоих сих от уныния, вражды и обиды, и даровати им радость общения, и в Тебе совместнаго жития, его же заповедал еси, и желание любви сия вложил еси в нас, молим Ти ся: услыши и помилуй.

Хор: Господи помилуй (трижды)

Священник: Услыши ны, Боже Спасителю наш, упование всех концов земли и сущих в море далече: и милостив, милостив буди, Владыко, о гресех наших и помилуй ны. Милостив бо и Человеколюбец, Бог еси, и Тебе славу воссылаем, Отцу и Сыну, и Святому Духу, ныне и присно и во веки веков.

Хор: Аминь.

Господу помолимся.

Хор: Господи помилуй.

Молитва Господу нашему Иисусу Христу

О, Сладчайший наш Иисусе Христе! На Тя возложихом все упование наше, и вся, елика приуготовил еси нам, да будет. В руке Твои предаем живот наш, и аще сотвориши нам по прощении нашим, аще ли же ни, смиренно приимем. В Тебе бо вся радость наша, и любви Твоя в место всякия нужды в мире сем нам бывает. Сам же, Господи, в Кане Галилейской явил еси, яко Твоя воля есть – законное супружество. Сего ради просим Тя: даждь и рабом Твоим сим дар любви истинныя, посли им супругов желанных, Тобою, по вере их, приуготовленных. Отжени от них вся соблазны и препятія вражия, от уныния и отчаяния избави, смирению, терпению, целомудрию и всему потребному в семейном житии научи. Да тако, по воле Твоей, в любви и единомыслии поживше, сподобимся и будущия радости, идеже любви не оскудевает взирающим на сладчайший Лик Твой, и воспевающим Тя со Безначальным Твоим Отцем и Пресвятым Твоим Духом во веки. Аминь.

Храм святого благоверного царевича Димитрия при 1ГКБ

г. Москва, Ленинский пр-т, 8 к.12

тел.: (495) 536-92-63

<http://stdimitry.ru/>

<http://fb.com/stdimitry>

Веб-страница молебна о создании семьи:

<https://www.facebook.com/molebenStdimitry>